

## Kámun ê Kító

(Tabít ê si.)

- 1 Góa beh choânsim kámsiā Lí,  
góa beh tī chêng sînbêng bīnchêng chhiù<sup>n</sup>koa  
oló Lí.
- 2 Góa beh òng Lí ê sèngtiān kūipài,  
góa beh inūi Lí ê chūài kah sînsít lâi oló Lí ê miâ;  
inūi Lí kokí Lí ê miâ kah Lí ê òe, chhiauòat  
itchhè.
- 3 Góa kiûkiò ê sí, Lí ū ìntap góa, kóbú góa,  
hō góa ê sim tit tiòh khùilát.
- 4 SiōngChú ah, sèchiū<sup>n</sup> ê kunông lóng beh  
kámsiā Lí,  
inūi in ū thia<sup>n</sup>kì<sup>n</sup> Lí só kóng ê òe.
- 5 In beh chhiù<sup>n</sup>koa oló SiōngChú ê chokúi,  
inūi SiōngChú ū tōa êngkng.
- 6 SiōngChú suijiân siū chunchông, khiok iáu sī  
khò<sup>n</sup>kò<sup>n</sup> pibí ê lâng;  
chóng sī, I tùi hñghñg tòh khò<sup>n</sup> chhut kiaungō  
ê lâng.
- 7 Góa suijiân kiâ<sup>n</sup> tī hoānlān tiong, Lí khiok beh  
póchoân góa ê sè<sup>n</sup>miâ;  
Lí ē chhun chhiú titòng góa ê tuiték ê siūkhì;  
Lí ê chià<sup>n</sup>chhiú mā beh chin<sup>n</sup>kiù góa.
- 8 SiōngChú beh sêngchoân kah góa iúkoan ê  
tāichì;  
SiōngChú ah, Lí ê chūài éngoán chūnchāi!  
Kiú Lí m̄ thang khìsak Lí chhinchhiú só chō ê.

## 感恩 ê 祈禱

(大衛 ê 詩。)

- 1 我 beh 全心感謝祢，  
我 beh tī 眾神明面前唱歌 oló 祢。
- 2 我 beh òng 祢 ê 聖殿跪拜，  
我 beh 因為祢 ê 慈愛 kah 信實來 oló 祢 ê 名；  
因為祢高舉祢 ê 名 kah 祢 ê 話，超越一切。
- 3 我求叫 ê 時，祢有應答我，鼓舞我，  
hō 我 ê 心得 tiòh 氣力。
- 4 上主 ah，世 chiū<sup>n</sup> ê 君王 lóng beh 感謝祢，  
因為 in 有聽見祢所講 ê 話。
- 5 In beh 唱歌 oló 上主 ê 作為，  
因為上主有大榮光。
- 6 上主雖然受尊崇，卻 iáu 是看顧卑微 ê 人；  
總是，祂 tùi 遠遠 tòh 看出驕傲 ê 人。
- 7 我雖然行 tī 患難中，祢卻 beh 保全我 ê 性命；  
祢 ē 伸手抵擋我 ê 對敵 ê 受氣，；  
祢 ê 正手 mā beh 拯救我。
- 8 上主 beh 成全 kah 我有關 ê tāichì；  
上主 ah，祢 ê 慈愛永遠存在！  
求祢 m̄ thang 棄 sak 祢親手所造 ê。

